

國家圖書館分館編

清代孤本方志選

(第一輯第十八冊) 江西 增修崇仁縣志〔雍正〕四卷

修崇仁縣誌序

邑之有志國之有史家之有乘一
也國史集儒臣走闕下兼琅函玉
帙充斥于石渠天祿閣故叅稽確
而文采易昭家乘遡源萃渙倒歐
倣蘓一賢子孫優為之若夫邑乘
則官師人物臧否顯晦下同於家

乘之詳盡而山川建置賦役災祥
種種巨典上同於國史之尊嚴且
摠其成者一令耳今案牘紛繁必
藉於一二文士與士之有文而賢
者也既其實不既其名傳其信不
傳其疑心如定水而物無遁形焉
否者識不定則予奪得臣汨其中

力不堅則是非得。臣洵其外畧。巨
錄細登。枯遺良如是而脩也不如
其缺也存也不如其亡也。膺國史
家乘之美而兼有其難可不慎歟。
崇仁為撫郡六屬之望。唐宋臣來
科名踵繼。理學文章甲於他邑。如
巴羅華蓋。名山鼎峙。皆臨汝之鎮。

而並隸崇境靈氣蓄洩氤吐神奇
不佞自乙未奉

簡書來涖是邦入境見山川入廟見

人文入署見圖志輒嘆曰張鹵江

者吾宗哉惟是六十年來記載久

缺更革之後事易淪亡思所呂增

續舊編者因循歲月苒々三年而

遷官之聞至矣。業舟初艤，前念輒營。與劉君壽祺、陳君蜚英共謀，縮鞭了此公案。二君皆宏才博學，高蹈自善者。諸例未脩，則劉君任之；新頒全書，則以陳君任之。每脫一稿，即走奚童示予，增補之而不為僭。其事典重大者，欲叅末議。二君


力爭而不為嫌天地鬼神臨楮墨
間也閱兩月缺者少補畧者粗脩
惟節孝一例僉論未定姑待焉蓋
宦轍所至不乏
攸好之心必大

勝於前人知此書之合尖無難也
故先將已訂者竣厥工其餘有已

屬稿而未登梨棗者及節孝一例
屬後之君子定焉是役也搜求不
過一甲子之中增益不出所聞見
之外論斷悉遵 吳太史原本述
也非作也不佞與二君亦可同告
知罪於通邑也矣

省

順治十六年歲次己亥仲春之吉
欽定崇仁縣知縣楚蒲塢謝胤璜序



增訂邑誌序

邑乘自沿革輿地人物田賦洎
諸事蹟以為經中間稍撰集文
辭以為緯百里遠近有世上下
瞭然如陳諸掌上也是編也成
於萬曆壬寅吳文恪先生嗣增
於

本朝順治己亥邑令謝紫山先生
距今十五稔矣天運旣增人事
益麗茲者奉尺符將彙成寰宇
通志謂寶唐屬在下邑簡篇宜
脩用是重加討訂偕司鐸朱君
東升邑文學劉君壽祺櫛字比
句斟較閱月去其言之不雅馴

興事款之駢贅者二往茲慎之
志亘於四百四十餘篇之中諸
例大率仍舊唯食貨一志剖剝
從新蓋以今日全書視曩編差
異從而易之監於一王之成憲
而已唐荆川有言曰國邑有志
本以經世非以博物苟切於利

器用而阜民生不得因瑣穢略
之斯言得輕重本末之旨矣余
竊祿凡五載尺寸凜冰一切踵
循舊事間者不得已而有營作
其不得已者已之誠不欲煩吾父
老子弟而希取後世之名獨念
有司過闕歲肯譴告雖蠲租之


今屢下忝為司牧除捐濟之外益
務痛自刻責以籲蒼冥俾自今
以始歲其有而里閭咸庶繁豐
殖也然象數在天脩省在己此
意誠不可以喻人度非載筆家
所能稱道後之覽者其或有感
於斯言

省

康熙十二年七月既望

賜進士文林郎知崇仁縣長興

陳潛序



劉陳四先生靖難序

人生在三之節命於天植於性研窮於學問分之
所定不以貴賤殊也情之所鍾不以險夷易也古
之垂竹銘旂常者其豐功偉績非不炳耀千古獨
是布衣常帶之士籍未通於仕版名不出於里閭
而至性孤忠徃々於流離板蕩之日扶大義於天
壤其志彌堅其節彌苦固非徒事激烈者所可同
日而語也余不敏承乏崇邑見其山川都麗人文
蔚起相與考理學之芳踪世家之懿蹟流風餘韻